

Sekuestrohen armë dhe municion në Rahovec, Policia jep detaje

LAJME



23/12/2024 08:45



Policia ka njoftuar se dje Stacioni Policor në Rahovec ka pranuar një raportim lidhur me një rast të kanosjes.

Një person ka raportuar se pas një mosmarrëveshjeje, është kanosur nga një person tjetër.

Në njoftim thuhet se kishte dyshime se i dyshuari posedonte armë zjarri në pronën e tij në fshatin Pataqan i Poshtëm i komunës së Rahovecit, ndaj është kryer kontroll në shtëpinë dhe objektet përcjellëse në pronësi të të dyshuarit.

Gjatë kontrollit, janë gjetur dhe sekuestruar një pushkë gjuetie dhe 25 fishekë, një pistoletë dhe 25 fishekë, një pushkë ajrore dhe një pistoletë për sinjalizim me zë.

“Më datën 22 dhjetor 2024, Stacioni Policor në Rahovec ka pranuar një raportim lidhur me një rast të kanosjes. Viktima, mashkull i moshës madhore, ka raportuar se pas një mosmarrëveshjeje, i dyshuari, po ashtu mashkull i moshës madhore, e kishte kanosur”.


“Lidhur me ankesën, hetuesit policorë kanë ndërmarrë veprime të menjëhershme, pasi kishte dyshime se i dyshuari posedonte armë zjarri në pronën e tij në fshatin Pataqan i Poshtëm të komunës së Rahovecit. Në konsultim me prokurorin kujdestar, është kryer kontroll në shtëpinë dhe objekteve përcjellëse në pronësi të të dyshuarit”.

“Me vendimin e prokurorit kujdestar, ndaj të dyshuarit është iniciuar procedura për veprat penale “Kanosje” dhe “Mbajtja në pronësi, kontroll ose posedim të paautorizuar të armëve”, dhe i njëjti është ndaluar në mbajtje për 48 orë”, thuhet tutje në njoftimin e policisë.



Më shumë nga uebi

nativeGRAM
by LajmiMedia



Artikuj të ngjashëm



December 23, 2024

Mbingarkesa i lë disa vende të Kosovës në terr



December 23, 2024

Dialogu gjatë vitit 2024, Lajçak: Progresi ishte më i ngadalshëm nga...



December 23, 2024

Ramadani bën thirrje për kujdes: Krizat politike në Serbi pothuajse çdoherë...



December 23, 2024

Thirrje për llogaridhënie nga Termokos dhe ZRRE për faturimin e ngrohjes



December 23, 2024

Çmenduri çmimesh në Kosovë, brenda një dite çmimi çokollatës në dy...



December 23, 2024

Komuniteti i Ambasadës Amerikane nderon ambasadorin Hovenier, për përpjekjet që të...